

Aðalfundur Pírata 2022

17. til 18. September 2022 -

Veislusalur Ostabúðarinnar við Fiskislóð 26, 101 Reykjavík.

Dagskrá

Laugardagur 17. september (Veislusalur Ostabúðarinnar)

- **09:00 Húsið opnar**
 - Morgunverður í boði Pírata
- 10:00 Fundur settur / fundarstjóri kynnir dagskrá
- 10:10 **Opnunarræða**
 - Halldóra Mogensen
- 10:20 **Ársreikningur kynntur**
 - Valborg Sturludóttir
- 10:45 **Skýrsla sveitarstjórnarfulltrúa**
 - Sigurbjörg Erla Egilsdóttir – Kópavogur
 - Álfheiður Eymarsdóttir – Sveitarfélagið Árborg
- 11:30 **Kynningar frambjóðenda**
 - Frambjóðendur í stjórnir, ráð og nefndir stíga í pontu og kynna sig fyrir félagsfólki.
- **12:15 Hádegisverður í boði Pírata**
 - Lambapottréttur og aspassúpa
- 13:15 **Skýrsla borgarstjórnarfulltrúa**
 - Alexandra Briem
 - Magnús D. Norðdahl
 - Kristinn Jón Ólafsson
- 14:00 **Skýrsla stjórnar**
 - Gamithra Marga – Framkvæmdastjórn
 - Valborg Sturludóttir – Fjármálaráð
 - Indriði Ingi Stefánsson – Stefnu- og málefnanefnd
- 14:45 **Orðið frjálst**
- **15:30 Síðdegiskaffi / Kaffi og bakkelsi**
- 16:00 **Skýrsla þingflokks**
 - Andrés Ingi Jónsson
 - Halldóra Mogensen
- 16:45 **Kynning á reynslugreiningarsmiðjum**
 - Gamithra Marga
 - Sigurbjörg Erla Egilsdóttir
- 17:00 **Niðurstöður kosninga**
- 17:20 **Lokaræða**
 - Lenya Rún Taha Karim
- 17:30 **Fundi slitið**
-

- 20:00 **Skemmtidagskrá** í húsnæði Ostabúðarinnar
- 02:00 **Húsið lokar**

Fundargerð

10:15 Fundur settur / fundarstjóri kynnir dagskrá

Fundarstjórar er Hrafnís Bára Einarsdóttir og Gísli Rafn Guðmundsson

Fundur var settur kl 10.15.

10:20 Opnunarræða

Halldóra Mogensen þingmaður Pírata flytur opnunarræðu aðalfundar.

Halldóra fagnar 10 ára afmæli Pírata og minnst upphafsdaga hreyfingarinnar. Hún minnir á að grunnstefnan er grundvöllur alls starfs Pírata og hefur orð á þeim lýðréttindum sem flokkurinn berst fyrir. Píratar hafa haft mikil pólitísk áhrif, langt umfram það sem lýðræðislegur styrkur flokksins gefur tilefni til. Áherslumál Pírata hafa smitast inn í áherslur annarra flokka og hafa haft áhrif á almenna umræðu í þjóðfélaginu.

10:30 Ársreikningur kynntur

Valborg Sturludóttir kynnir ársreikning Pírata.

Umræða varð um framúrakstur á áætlun. Spurning vaknaði um tekjusakdrátt vegna ákvörðunar um styrki til stjórnmálaflokka. Spurningu er varpað fram um hvernig standi til að vinna niður yfirdráttarskuld. Vísað er til fjármálaáætlunar með það. Sett var fram tillaga um að Íslenskir endurskoðendur ehf. yrðu endurskoðendur félagsins framvegis. Um það varð umræða og varpað var fram spurningum um hvers vegna verið væri að skipta um endurskoðanda. Fram kom að það stafaði af ágreiningi um bókhaldsaðferðir og reikningshald varðandi styrki ríkisins til flokksins. Spurning var sett fram um val á endurskoðanda og var svarið að bókarí Pírata væri vanur að vinna með þessu fyrirtæki. Fram kom tillaga að farin væri ódýrasta leiðin. Útskýrt var að verið væri að gera það. Tillagan um endurskoðanda var samþykkt án mótakvæða.

10:45 Skýrsla sveitarstjórnarfulltrúa

Sigurbjörg Erla Egilsdóttir og Indriði Ingi Stefánsson, fulltrúar Pírata í Kópavogi kynna skýrslu um starfsemi Kópavogspírata

Sigurbjörg Erla segir frá kosningum og útkomu þeirra. Píratar bættu við sig fylgi sem nemur 41% en komust ekki í meirihluta. Hún gerir grein fyrir nefnda- og stjórnarstarfi

Kópavogspírata og kynnir stjórn Pírata í Kópavogi. Farið er yfir helstu málefni Pírata í bæjarstjórninni og þann árangur sem náðst hefur: flokkun sorps, grænkeravalkost í leik- og grunnskólum, ný hundasamþykkt fyrir umdæmið og áherslur í sameiginlegri stefnumótun og aðgerðaáætlun sveitarfélagsins. Rætt var um samstarfssýn fulltrúa innan Bæjarstjórnar Kópavogs og kom fram að samstarfsandinn væri góður og fulltrúar bjartsýnir á framhaldið.

—Álfheiður Eymarsdóttir – Sveitarfélagið Árborg (Lið frestað)—

Fundarhlé var tilkynnt frá kl.11:03 til kl.11:33

11:35 Kynningar frambjóðenda

Frambjóðendur í stjórnir, ráð og nefndir stíga í pontu og kynna sig fyrir félagsfólki.

Frambjóðendur kynntu sig í pontu og sögðu frá helstu kostum sínum og göllum, áhugamálum og ástríðum. Frambjóðendur í fjarfundi urðu að fresta kynningum sínum vegna tæknivandamála.

12:15 Hádegisverður í boði Pírata (FUNDARHLÉ)

— — —

13:15 Skýrsla borgarstjórnarfulltrúa

- Alexandra Briem
- Magnús D. Norðdahl
- Kristinn Jón Ólafsson

Kristinn Jón Ólafsson og Alexandra Briem kynntu og hófst kynningin kl. 13.19. Yfirskriftin var „Kjörtímabil III - Hefnd Framsóknar“. Alexandra talaði fyrst. Fjallaði hún fyrst um kosningar og kosningabaráttu. Píratar stækkuðu úr 7.7% í 11.6% og bættu við þriðja fulltrúanum meðan hinir meirihlutflokkarnir minnkuðu. Mynda þurfti nýjan meirihluta með Framsókn. Alexandra segir að samstarfið hafi gengið vel til þessa. Alexandra kynnir nöfn borgarfulltrúa og varaborgarfulltrúa. Kynntir eru fulltrúar Pírata í nefndum og ráðum. Meirihlutasamstarfið kynnt og áherslur í því ásamt því hvað Píratar náðu inn í

meirihlutasamkomulagið og þær málamiðlanir sem gerðar voru. Fjárhagsárið í ár hefur verið og verður mjög erfitt, en þrátt fyrir það eru jákvæð teikn á lofti.

Kristinn Jón tók til máls og skýrði frá Stafrænu ráði og Menningar-, íþrótt- og tómstundaráði. Gerð var grein fyrir gildi þjónustu- og nýsköpunarsviðs.

Greint frá málefnum leikskólanna í Reykjavík og málefnum sundlauga og félagsmiðstöðva.

Spurningar og athugasemdir:

Athugasemd var gerð um húsnæðisstefnu og spurt hvort fólksflótti væri úr Reykjavík. Alexandra svaraði að framboð hafi aldrei verið meira af húsnæði í Reykjavík og ekki hafi staðið á borginni en fjármögnun kaupa sé erfið. Ekki sé fólksflótti úr borginni.

Spurt var um hversu mikið tap væri á næturstrætó. Ekki kom beint svar við því, en ímprað á því að næturstrætó væri ekki í hagnaðarskyni heldur til að leysa önnur vandamál tengd öryggi í miðbænum, hávaða og ofbeldi þar o.s.frv.

Spurt var um verðandi nýjan borgarstjóra, Einar Þorsteinsson í Framsókn. Halda borgarfulltrúar að áherslubreytingar verði og hvernig þetta horfi við borgarfulltrúm Pírata. Alexandra sagði að samstarfið byggði á skýrum samstarfssamningi og þar væri óvissa mjög takmörkuð en fyrsta reynsla væri mjög góð. Samstarf við Framsókn væri til þess fallin að draga úr líkum á núningi í samskiptum við fulltrúa ríkisins. Dóra bætti við að henni litist vel á samstarfið og þetta liti vel út í aðalatriðum, en benti á að borgarstjóri væri ekki einvaldur heldur þyrfti ávallt samvinnu og samtal og segir Einar virðast vera vel færán um að eiga slík samskipti.

Spurt var hvort fyrirhugað væri að endurskoða reglugerðir og þjónustu í geðheilbrigðismálum í borginni. Svarað var að borgin væri lítið í þeim málum, þetta væri að mestu á hendi ríkisins. Þó væri samtal við ríkið um fjármögnum ýmissa velferðarmála. Spurt var hvort borgarfulltrúar gætu haldið því fram að ekki hafi verið lóðaskortur í Reykjavík. Svárið var að ekki hefði verið lóðaskortur, en þær lóðir sem boðið hafi verið upp á hafi verið nokkuð stórar, minna hafi verið um smærri lóðir.

14:00 Skýrsla stjórnar

- Gamithra Marga flytur skýrslu Framkvæmdastjórnar

Gamithra segir frá breyttu fyrirkomulagi í kjöri stjórnarmanna. Gamithra er að kveðja og segir að gengið hafi vel á síðasta ári og að ekki hafi öll orka farið í að slökkva elda. Hún segir jafnframt að stefnumótunarvinna fari í hönd og að lögð verði áhersla á samvinnu.

- Valborg Sturludóttir flytur skýrslu Fjármálaráðs

Valborg talar um að það nýja fyrirkomulagið í skörun á kjörtíma fulltrúa hafi reynst vel. Hún talar síðan um framtíðarsýn í fjármálum og segir að gerð hafi verið fjárhagsáætlun til nokkurra ára.

- Indriði Ingi Stefánsson flytur skýrslu Stefnu- og málefnanefndar

Indriði tekur til máls. Segir að 2 verði áfram og 3 nýir komi inn. Hann segir að nokkuð strembið sé að vera í nefndinni á kosningarári. Hann telur að starfið hafi gengið vel. Kópavogur og Reykjavík hafi leitað til nefndarinnar og talsvert púður var lagt í þá vinnu sem þannig féll til. Indriði talar um Pírataþing og að það sé nokkuð óljóst nákvæmlega hvað það á að vera.

Spurningar:

Spurt var hvort stefnu- og málefnanefnd yrði opnuð meira fyrir almennum félagsmönnum og grasrót. Indriði svaraði því að stefnt væri að því að leita út til félagsmanna en líka út í þjóðfélagið almennt.

Spurt var hvort yfirstjórn hefði heildarsamstarf sín á milli. Gamithra svaraði að haldið yrði málþing yfirstjórnar og þar væri eitt aðalviðfangsefnið lýðræðisvæðing starfsins.

Athugasemd var gerð um að dreifa þyrfti starfinu betur þannig að ekki þurfi að fara í spretthlaup fyrir kosningar.

Spurt var hvort ekki væri hægt að hafa starfið skemmtilegt til að laða að þátttakendur í starfið. Svarið var að það stæði til.

Spurt var hvort ekki væri hægt að láta gamlar stefnur renna út á tíma. Svarið var að það væri eitthvað sem þyrfti að skoða.

Umræður spunnust um hvernig hægt væri að gera starfið áhugavert.

Spurning berst um hvernig við eigum að fara í kosningarbaráttu með skuldahala. Svarað var að fjármálaráð hefði ákveðið að fé yrði varið í sjóði sem standa til boða fyrir aðildarfélögin til að halda upp starfi milli kosninga ára.

Spurt er hvort sé verið að safna í kosningasjóð. Svarið er nei, verið er að borga niður skuldir.

Umræður spinnast um fýsileika þess að safna í kosningasjóð.

Spurningu um fjárhagsáætlanagerð er varpað fram. Stendur til að leggja fram fjárhagsáætlun til samþykktar á fundi og vinna slíka áætlun með opnum hætti. Svarið var að illa hefði gefist að hafa fjárhagsáætlunargerð í opnu ferli.

Spurt er hvort einhverjir mælikvarðar séu til um hvernig innra starfið gengur. Svarið er að það sé hluti af skipulagsvinnunni sem nú er í gangi.

Spurt er hvort til standi að breyta ákvörðun um að Píratar taki ekki við fyrirtækjastyrkjum. Svárið er að félagsfundur hafi hafnað því að taka við slíkum styrkjum. Meiri umræður um hvort best sé að opna fjármálaáætlunargerð.

14:45 Orðið frjálst

Indriði talar um kosningaeftirlit. Hann segir frá því að margt hafi verið gert rangt í kosningunum og margt hafi farið úrskeiðis. Brotin hafi verið ýmis lög og reglur, bæði varðandi áróður á kjörstað, persónuverndarlög o.s.frv. Indriði lýsir eftir þátttakendum í kosningaeftirlit.

Rannveig Tenchi tekur upp málefni að virkja ungt fólk í starfið og aðallega á vettvangi Ungra Pírata og kynnir 2 gesti.

Hrefna og Huginn taka til máls. Þau segja að áhugi fólks á starfi ungra Pírata sé frekar takmarkaður og endist illa. Það vantar meira fólk.

Bjartur segir að Ísland sé best í heimi! Hann segir að það sé fólksfjölgun hér á landi vegna aðflutnings fólks, enda sjáist það meðal annars á aðalfundi Pírata sjálfum þar sem aðfluttir séu áberandi í starfinu. Það er lúxusvandamál. Það vanti hins vegar húsnæði og það þurfi að byggja meira. Það sé mikið byggt en gera þurfi getur en þá þurfi að forgangsraða og sérstaklega sé þetta mikilvægt í ljósi stríðsátaka í Evrópu. Þannig þurfi þá að hætta við vissa hluti og draga í land með fyrri loforð í ljósi nýs veruleika.

Dóra tekur til máls og þakkar kærlega fyrir stuðninginn í kosningabaráttunni. Hún leggur áherslu á hversu nefnda- og flokksstarfið er mikilvægt og þakkar þeim sem taka þátt. Hún ræðir um stefnumótunarferli og að mikilvægt sé að það sé skýrt, opið og aðgengilegt og tekinn sé góður tími í stefnumótun en ekki unnið rétt fyrir kosningar í stressi. Hún hvetur því Stefnu- og málefnanefnd til dáða. Dóra segir að það sé mikilvægt að taka lagalega afstöðu varðandi það að afþakka styrki frá fyrirtækjum, þ.e.a.s. að setja það í lög pírata hvernig þessu skuli skipað. Hún lýsir ánægju sinni með nýtt fyrirkomulag varðandi skörun í ábyrgðartímabilum í yfirstjórn.

Phoenix talar um íslenskukennslu fyrir útlendinga og aðgengi að henni. Hún segir að það sé erfitt fyrir aðflutta íbúa vegna kostnaðar, vinnu og tímaskorts að læra íslensku. Margir aðfluttir hafi ekki félagslegt stuðningsnet til að auðvelda slíkt. Hún leggur til að Píratar leggi áherslu á þetta mál.

Mörður lagði til að Píratar myndi sér stefnu í öryggis- og varnarmálum og biður aðalfund um að álykta um að vinna slíka stefnu fyrir næsta aðalfund.

Indriði yngri tekur til máls og leggur til að börn verði fengin í starfshópa á vegum Pírata.

Hrafnís Bára tekur til máls og segir: „Ég vil að lokum misnota aðstöðu mína og segja örfá orð um nokkuð sem hefur mér löngum verið hagleikið og ekki úr vegi að nefna í ljósi hamfarafrétta úr ranni annarra flokka.

Ég kalla eftir því að við Píratar sýnum í verki og verðum leiðandi í því að iðka ofbeldislaus samskipti milli kjörinna fulltrúa, starfsfólks, starfandi fulltrúa og grasrótar. Höldum áfram að útrýma markaleysi í samskiptum og höldum áfram veita hvert öðru aðhald með virðingu og velvilja að vopni. Við erum frábær og við erum fær! Áfram Píratar!“

15:30 Síðdegiskaffi / Kaffi og bakkelsi

16:00 Skýrsla þingflokks

- Andrés Ingi Jónsson
- Halldóra Mogensen

Þórhildur Sunna og Andrés Ingi gefa skýrslu. Viðburðaríkt ár. Þingmenn hurfu á braut og aðrir komu í þeirra stað og gekk það vel. Vandamálin varðandi talningarmálið tíunduð en um síðir tókst að koma á stöðugu starfsumhverfi. Neyða tókst ríkisstjórnina til að standa við hluta af fjármögnun sálfræðipjónustu með samhentri stjórnarandstöðuvinnu. Þegar kom að sölu fjármálaráðherra á Íslandsbanka voru Píratar mjög óþægur ljár í þúfu ríkisstjórnarinnar og ferlinu fyrir og eftir söluna og svo vinnu Pírata og stjórnarandstöðunnar lýst. Útlendingamálin voru áberandi á síðasta þingvetri ásamt málinu um veitingu ríkisborgararéttar á vegum Alþingis og lýsa þau þeim málum. Sigrar Pírata voru nokkrir, en oft stálu stjórnarflokkarnir heiðrinum, t.d. Bann við olíuleit. Til stendur að þingflokkurinn deili skjali með lýsingu á starfi þingflokksins á síðasta þingvetri. Þau þrjú mál sem þingflokkur lagði áherslu á á síðasta hausti voru afglæpavæðing vörsluskammta vímuefna, aðgerðir gegn kynferðisbrotum og aukinn stuðningur við þolendur og að síðustu frumvarp um aukinn metnað í gagnsæi í loftslagsmálum. Að vorinu var áhersla lögð á afglæpavæðinguna aftur (hart nei frá stjórnarliðum) og þingsályktunartillaga um vistmorð. Rætt var um varapingmenn. 6 varapingmenn tóku þátt í þingstörfum á síðasta þingvetri og stóðu sig öll vel. Sérstaklega leggja þau áherslu á að það sé mikilvægt að styðja Lenyu þegar rasismaskítastið vellur yfir hana á samfélagsmiðlum.

Spurningar og athugasemdir: Veittar eru leiðbeiningar til þingmanna um hvernig best sé að dila við Jón Gunnarsson. Eru þær leiðbeiningar af ýmsu tagi og hvaðanæva að.

Mörður lagði eftirfarandi tillögu um ályktun fundarins:

„Aðalfundur Pírata ályktar að hvetja félagsmenn og Stefnu- og málanefnd til að hefja tafarlaust stefnumótunarvinnu varðandi öryggi íslenska ríkisins og um varnarmál og ljúki þeirri vinnu fyrir aðalfund 2023.“

Jón þór styður tillöguna og svo hefjast umræður:

Indriði leiðréttir nefndarnafnið í tillögunni.

Hrefna telur óviðeigandi að ræða þetta á fundinum en vill að að einhver verði gerður ábyrgur fyrir málinu ef þetta verður samþykkt.

Alexandra segir að þetta sé góð tillaga og mikilvægt að við tökum þetta til umræðu innan flokksins því ekki gangi að vera skoðanalaus í málinu

Carlos tjáir þakklæti sitt fyrir móttökur Pírata

Smári tekur undir tillögu Marðar. Talar um að í upphafi verið til varnarmálastefna en hún sé sennilega orðin úrelt og þurfi að endurskoða í ljósi okkar upplýsingastefnu og kröfu um gagnsæi.

Helgi styður tillöguna og telur mikilvægt að við ræðum þetta. Við verðum hafa stefnu í þessu málefni.

Gísli leggur áherslu á að í þessari vinnu verði lögð áhersla á netöryggi og að það gleymist ekki.

Alexandra segir að borgarstjórn hafi tekið einarða afstöðu gegn aðgerðum Rússa í Úkraínu.

Tillagan var samþykkt með meirihluta atkvæða.

16:45 Kynning á reynslugreiningarsmiðjum

- Gamithra Marga
- Sigurbjörg Erla Egilsdóttir

Gamithra og Kalli kynna

Vinnustofa var haldin eftir bæði alþingiskosningar og sveitarstjórnarkosningar. Niðurstöður voru færðar í flokkað skjal þar sem skoðanir og upplifanir voru teknar saman. Hér er hlekkur á skjalið:

<https://docs.google.com/document/d/1EEo4zJqYFp6X1ZFSsA0Lwp89oh-cmxqGYxFFi2A9JBI/edit>

Umræða varð um erindið.

Niðurstöður kosninga eru kynntar og mikið klappað.

17:00 Niðurstöður kosninga

Á fundinum var kosið til framkvæmdastjórnar, fjármálaráðs, stefnu- og málefnanefnd og úrskurðarnefndar flokksins. Ný framkvæmdastjórn tekur við og er Atli Stefán Yngvason formaður hennar. Ásamt honum sitja Tinna Helgadóttir og Rúnar Björn Herrera Þorkelsson í framkvæmdastjórn. Stefnu- og málefnanefnd fær góðan liðsstyrk og tveir nýir Íslendingar fengu kjör í gær: Phoenix Jessica Ramos og Derek Terell Allen. Einnig hlaut Sævar Ólafsson kjör í nefndina. Indriði Ingi Stefánsson verður formaður. Í fjármálaráði halda Píratar áfram að njóta þekkingar Valborgar Sturludóttur fráfarandi formanns nefndarinnar sem var endurkjörin. Stefán Örvar Sigmundsson verður formaður.

Meðlimir kjörnir á aðalfundi 2022 skálettraðir

Framkvæmdastjórn:

1. **Atli Stefán Yngvason - formaður**
2. **Rúnar Björn Herrera Þorkelsson**
3. **Tinna Helgadóttir**

Stefnu- og málefnanefnd

1. **Phoenix Jessica Ramos**
2. **Derek Terell Allen**
3. **Sævar Ólafsson**
 - Indriði Ingi Stefánsson - formaður
 - Eiríkur Rafn Rafnsson

Fjármálaráð

1. **Valborg Sturludóttir**
2. **Tinna Helgadóttir**
 - Stefán Örvar Sigmundsson - formaður

Úrskurðarnefnd

1. *Björn Gunnlaugsson - formaður*
2. *Magnús Kr Guðmundsson*
3. *Huginn Þór Jóhannesson*
4. *Bjartur Thorlacius (varamaður)*
5. *Magnús Norðfjörð (varamaður)*

Skoðunarmenn reikninga

1. *Álfheiður Eymarsdóttir*
2. *Kristján Gísli Stefánsson*

17:20 Lokaræða

- Lenya Rún Taha Karim

<https://piratar.is/frettir/lokaraeda-lenya-runar-a-adalfundi-pirata-2022/>

Bjartur flutti þakkið frá Tinnu sem bað fyrir þau skilaboð að hún muni þiggja kosningu sína í framkvæmdastjórn en segir sig úr úrskurðarnefnd í samræmi við lög Pírata. Þar með þarf aðalfundur að kjósa 1 aðalmann í úrskurðarnefnd og 2 varamenn í sömu nefnd.

Huginn Þór býður sig fram sem aðalmann. Huginn er kosinn sem aðalmaður án mótatkvæða.

Bjartur Thorlacius og Magnús Norðfjörð bjóða sig fram sem varamenn. Báðir eru kosnir án mótatkvæða.

Fundi var slitið kl. 17.24

--

17:30 Fundi slitið

20:00 Skemmtidagskrá í húsnæði

02:00 Húsið lokar

Sunnudagur 18. september (Tortuga)

12:15 Opið hús fyrir grasrót Pírata. Kjörnir fulltrúar Pírata á Alþingi og í sveitarstjórn hitta grasrót. Nýkjörnir fulltrúar í innra starfi fá tækifæri til að funda með fráfarandi fulltrúum. Brauðterta, vöfflur og kaffi í boði Pírata.